

三洞珠囊卷之七

大曆陸梅羽客王慧河修

懷七

二十四治品

按玄都律第十六云治者性命魂神之所屬也五嶽名山圖云

陽平治屬金屬鹿堂治屬金元鶴鳴治屬木處嶺
沅治屬土房葛瓊治屬火心庚除治屬火尾秦中治
屬木箕真多治屬金斗

右八治是上治

昌利治屬土牛隸上治屬火女涌泉治屬木虛稠稷
治屬火免北平治屬金室本竹治屬木壁蒙泰治屬火
星平蓋治屬土箕

右八治是中治

雲臺治屬火胃澁口治屬木易後城治屬土平公墓
治屬金黃平岡治屬木參主簿治屬金井玉局治屬木
星北却治屬土神

右八治是下治

已上二十四治並是後漢漢安元年太上
老君所立
岡互治屬水星白石治屬金星鍾茂治屬木箕具山

治土於地圖云此四治在京師東北

右此四治是張天師所加充前二十四治

合成二十八治上應二十八宿

平公治屬木配公慕治屬土配天台治屬木
治賴鄉治屬金配樽領治屬金配代元治屬金

聖利里治屬火配滿沅治屬金配

右是天師更加此八治以配八品周布四

海鎮國化人也

第一別治有四者

第一具山治第二鍾茂治第三白石治第四

岡互治

右四品在外名別治於內名備治備治是

二十八也別與三八別也

第二遊治有八者

第一吉陽治第二平都治第三河達治第四

慈母治第五黃金治第六太華治第七青城

治第八峨眉山

右八品是遊治也

第三配治有八者

第一代元治第二樽領治第三賴鄉治第四

天台治第五公慕治第六平公治第七利里

治第八滿沅治

右八品是配治也

第四正治二十有四者

第一北却治第二玉局治第三主簿治第四

平岡治第五公慕治第六後城治第七澁口

治第八雲臺治

右是下品八治也

第一平蓋治第二蒙泰治第三本竹治第四

稠稷治第五北平治第六涌泉治第七隸上

治第八昌利治

右是中品八治也

第一真多治第二秦中治第三庚除治第四

葛瓊治第五滿沅治第六鶴鳴治第七雲臺

治第八陽平治

右是上品八治也

第五星宿治二十有八名上治一名內治又

名大治又名正治是上皇元年七月七日無

上玄老大上大道君所立上中下品二十八

治要訣

1100111111

第一角宿上治無極虛无无形下治陽平山
 第二亢宿上治无極虛无自然下治鹿堂山
 第三或宿上治无極玄元无為下治鶴鳴山
 此三治主辰生
 第四房宿上治虛白下治瀟沅山第五心宿
 上治洞白下治葛瓊山此二治主卯生
 第六尾宿上治三一一下治庚除山第七箕宿
 上治三元下治秦中山此二治主寅生
 第八斗宿上治三五下治真多山此一治主丑生
 右八品無上治
 第九牛宿上治九天下治昌利山第十女宿
 上治五城下治隸上山此合前三治主丑生
 第十一虛宿上治元神下治涌泉山第十二
 危宿上治丹田下治桐梗山此二治主子生
 第十三室宿上治常光下治北平山第十四
 壁宿上治金梁下治本竹山此二治主亥生
 第十五奎宿上治六府下治蒙秦山第十六
 婁宿上治一君下治平蓋山此二治主戌生
 右中八品玄老治之
 第十七胃宿上治五龍下治雲臺山此合前三治主

生戌
 第十八昴宿上治隨天下治瀘口山第十九
 單宿上治六丁下治後城山此二治主酉生
 第二十甯宿上治十二下治公慕山第二十
 一參宿上治還身下治平岡山此二治主申生
 第二十二井宿上治拘神下治圭簿山第二
 十三鬼宿上治無形下治玉局山此非
 第二十四柳宿上治聚元下治北印山此三主未
 右下八品太上治之也
 太上漢安二年正月七日中時二十四治上
 八中八下八以應二十四氣付天師張道陵
 也
 第二十五星宿上治別形下治岡互山第二
 十六張宿上治保氣下治白石山此二治主午生
 第二十七翼宿上治五王下治鍾茂山第二
 十八軫宿上治金堂下治具山此二治主巳生
 天師以建安元年正月七日出下四治名備
 治合前二十八治備應二十八宿也星宿治
 隨天而立歷運設教劫劫有受命為天師者

各各申明濟世度人以至太平太平君出更
 加有司隨其才德進位大神也
 又張天師二十四治圖云太上以漢安二年
 正月七日中時下二十四治上八中八下八
 應天二十四氣合二十八宿付天師張道陵
 奉行布化張天師沛國豐縣人也諱道陵字
 輔漢稟性嚴直經明行修學道有方永平二
 年漢帝詔書就拜巴郡江州令以元和元年
 三月十日辛丑詔書拜為司空公封食冀縣
 侯以芝草圖經歷神仙為國採延年長生藥
 以漢安元年丁丑詔書拜應太上方任遂解
 官入益州郡界以其年於蜀郡臨邛縣渠亭
 山赤石城中靜思樂情五月一日夜半時有
 千乘萬騎來下至赤石城前金車羽蓋步從
 龍虎鬼兵不可稱數有五人一人自言吾是
 周時柱下史也一人自言吾是新出太上老
 君也一人云吾是太上高皇帝中黃真君也
 一人言吾是漢師張良子房也一人言吾是
 佐漢子淵天師外祖也子骨法合道當承元
 老忠臣之後今授子鬼號傳世子孫為國師

無民無期於是道陵方親授太上步質勅當步綱躡紀統承三天佐國扶命養育群生整理鬼氣傳為國師依其度數開立二十四治十九靜慮授以正一盟威之道誅伐邪偽與天下萬神分符為盟悉承正一之道也

上皇元年七月七日無上大道老君所立上治八品要訣掌中伏虧造天地五龍布山嶽老君立位治以用化流俗愚者不食此真覽競所欲仙道何足訓傳之於質朴也

第一陽平治在蜀郡繁縣界去成都一百八十里道中羅江水兩岐山口入水道四十里治道東有龍門拒守神水二相生上西南有大泉決水歸東治應南宿貴人發之治王始終嗣師天師子也諱衡字靈真君為人廣智志節高亮隱習仙業漢孝靈帝徵為郎中不就以光和二年正月十五日己巳於此山昇仙立一治碑一雙在門名曰嗣師治也

右陽平治山中有主簿治嗣師治系師治
第二鹿堂山治在蜀郡繁縣界北鄉去成

都三百里上有仙室仙臺古人度世之處昔永壽元年太上老君將張天師於此治上與四鎮太歲大將軍川廟百鬼共折石為要昏從正一盟威之道山有松栢五龍仙穴能通船渡持火入穴三日不盡治應元宿弓長發

之治王八十年
第三鶴鳴神山太上治治在其上山與青城天國山相連去成都二百里在蜀郡臨邛縣界徑道三百世人不知之馬底子何丹陽得道處治前三水共合成一帶神龍居之有四

金釘二石金銀蠶三斛亦言尹善主之治應氏宿賤人發之治王六十年神仙傳第五云張天師過中國紛亂乃入蜀鶴鳴山學道也第四沱沱山治在蜀郡繁縣界與鹿堂山治相連其間八十里去成都二百五十里上有果松神草服之昇仙四龍神起騎之門范蠡主之治應房宿庶人發之治王二十年

第五葛瓊山治在蜀郡繁縣界與沱沱山相連去成都縣二百三十里去陽平治水口四十八里揚仙賢於此得道上有松栗山高六

百丈治應心宿道人發之治王九十年
第六庚除治山去平地三百九十丈在廣漢郡陽泉縣西去縣五里去成都二百八十里上恒有仙人往來可以度厄養性昔張力得道之處山有二石室三龍頭淮水遠之治應尾宿當道士發之治王始終

第七秦中治山在廣漢郡綿竹縣東去九里去成都二百里其山浮昔韓泉於上得仙前有火水東有道徑於漢洛治西有大石銅為誌治應箕宿顯人發之治王始終

第八具多治山在廣漢郡新都縣去成都一百五十里山有芝草神藥得服之令人壽千歲山高二百八十丈前有池水水中有神魚著五頭昔王方平於此與太上老君相見治應斗宿女人發之治王七十年

無極元年十月五日具正无極太上立中治八品氣速設掌中
第一昌利山治在廣漢郡緱縣東西十里去成都一百五十里昔蜀郡李八百初學道度八百唐公房之師也遊行蜀中諸名山常自

出藏於成都市暮宿於青城山上故號為八百也其山南有一石室容八十人前有三龍門為誌治應牛宿狂惑人發之治王五百年
第二隸上治山李子先生學道飛仙治在廣漢郡陽泉縣東北百二十里山有二石室有一神并白鹿白鶴白鳩時來飲之有石在治前與慈母治相連西有赤石溪上有三松為誌山去平地二千九百丈昔中山衛叔卿於此得道治應女宿貧賤人發之治王百年
第三涌泉山神治昔廣漢馬明生學道得仙太上老君至此化形住此治在遂寧郡小漢縣界上有靈泉治萬民病無不差愈傳世為祝水治去成都二百里有懸崖百丈迭綿水猴猿百鳥來在其間治應虛宿野人發之治王三十年其山小而高四向有遊道
第四稠稷治在犍為郡南安縣去成都一百一十里汶山江水九里山高平地一千七百丈昔軒轅學道之處也治左右有連岡相續西北有味江水山亦有芝草之藥可養性命治應危宿貴人發之治王五十年

第五北平治在犍為郡南安縣去成都一百四十里山上有池水縱廣二百步中有神芝藥草食之與天相久昔越人王子喬得仙治應室宿道師發之治王四十年一名研山治第六本竹治山在犍為郡南安縣去成都一百二十五里山高一千三百丈上有一水有香林在治陌北有龍穴地道通峨眉山上有松栢昔郭子聲得道之處也後有林竹西去十五里治鑿通鶴鳴前水尾常有神龍遊藏其中治應壁宿龍門吏人發之治王五百年
第七蒙秦治山在越雋郡邛都縣西去城二十里去成都一千四百二十里治與越雋郡隔河水前有小山後有太山高一千丈昔伊尹於北山學道上有芝英金液草服之得度世後有漢中郡趙昇治應奎宿凡人發之治王九十年
第八平蓋治山在犍為郡武陽縣去成都八十里前山下有玉人身長一丈三尺昔吳郡崔孝通於此山學道得飛仙山西有大江南

有長山北有平川中有龍門治應婁宿陰人發之治王千年
无上二年正月七日无為大道玄真立下治八品氣要訣掌中
第一雲臺山治在巴西郡閬中縣西去六十里上山十八里方得山足去成都一千三百七十里張天師將弟子三百七十人住治上教化二年白日昇天其後一年天師夫人復昇天後三十年趙昇王長復得白日昇天治前有巴西大水山有一樹桃三年一花五年一實懸七百丈下無底之谷唯趙昇乃自擲取得桃子餘者無能取之治應胃宿有人形師人發之治王五十年又雲臺治山中有玉女乘白鶴仙人乘白鹿又有天神來迎天師白日昇天萬民盡見也此天柱山也在雲臺治前有立碑一雙
第二瀘口治山在漢中郡沔陽縣去成都二千九百二十里陳安世於此山上學道得仙安世京兆人也漢中水過其前山一名平元山西有長山東有統海帝王所在青龍門治

應第宿俗人發之治王五百年

第三後城治山在漢中郡南鄭縣昔晏子然於此山上學得仙道左有大水後有重山山有神芝服之壽千歲一名黃陵山南有長山北有青龍東有松柏為誌治應畢宿凡人發之治王八十年

第四公慕治山在漢中郡南鄭縣去治一百里昔蘇子於此山學道得仙一名北逢仙山南有石坎北有懸流水治應宿病人發之治王七十年

第五平岡治山在魏為郡南安縣去成都一百里昔蜀郡人李阿於此山學道得仙白日昇仙也治應參宿道士發之治王二十年北有三重曹溪南有持山為誌

第六主簿山治在魏為魏道縣界去成都一百五十里蜀郡人王興於此學道得仙一名秋長山南有石室玉堂松柏生其前治應苦宿微人發之治王八十年

第七玉局治在成都南門左二里以永壽元年正月七日太上老君乘白鹿張天師來白

鶴來至此坐局脚玉牀即名玉局治也治應鬼宿千丈大人發之治王三世

第八北却山治在京兆郡長安縣梁水在治左務成子於此得道大黃山東有穴泉南有東流治應柳宿仙聖發之治王六十年

天師以漢安元年七月七日立四治付嗣師以備二十八宿

第一岡互治在蘭武山應星宿第二白石治在玄極山應張宿第三具山治在飯陽山應翼宿第四鍾茂治在元東山應軫宿

嗣師以建安三年十月五日布立八品配治滿沉治品山利里治堂山平公治藥山公慕治身山天台治牛山賴鄉治世山樽領治畢山方代元治堂山

系師以太元二年正月七日立八品遊治峨眉治郡界青城治郡界太華治郡界黃金治郡界慈母治郡界河逢治郡界平都治郡界吉陽治郡界

系師者嗣師子也諱魯於陽平山得尸解仙道人立一治名系師治但嗣師治並主簿是

天師門下也又立一治今按玄都職治律第九云代沉治平都治是外遊治也是知峨眉治等亦是遊治也

二十四氣品

按玄都開闢律云二十四氣為天使一氣十五日一歲十二月月二氣終歲為二十四氣皆是自然之氣也

洞玄經云三元以三氣置立三天三天者始氣為清微天元氣為禹餘天玄氣為大赤天宋文明通門上云少陰太陰少陽太陽又與

中和之氣合以成五氣五氣就前玄元始三氣成數為八即大洞經云三元各八合為二十四氣眾生品族於是而生也此氣散之為雲霧合之為形影出之為分化入之為真一又此氣之本謂元始大梵之氣分而為三即成上三天也

若登真隱訣時日詮次訣云二十四氣者立春雨水驚蟄春分清明穀雨立夏小滿芒種夏至小暑大暑立秋處暑白露秋分寒露霜降立冬小雪大雪冬至小寒大寒以為二十

1008741912

四氣也

真誥第五云東方九氣青天南方丹天三氣
流精西方七氣之天北方玄天五氣徘徊亦
合為二十四氣也若是中央乃云中央黃中
理氣總統玄真此不論氣數也以總統四方
為二十四氣之主也

上清三天君列紀經云夫氣之所在隨神所
生神在則氣在神去則氣去氣者即二十四
神之正氣也氣散則為雲霧合則為形影出
之為仙化入之為真一上結三元下結萬物
靜用為兆身動用為兆神也

三部八景二十四神品

出上清九其中經內訣已具錄出在前第八
名數八景品中此不重寫也

二十四地獄品

按太真科中卷云宛利天下鄴都之山在北
方癸地山上有八地獄主上三官

第一監天獄第二平天獄第三虛無獄第四
自然獄第五九平獄第六清詔獄第七天玄
獄第八元正獄

中央有八地獄主中三官

第一玄沙北獄第二皇天獄第三禁罰獄第
四玄沙獄第五形正獄第六律令獄第七九
天獄第八清冷獄

山下有八地獄主下三官

第一無量獄第二太真獄第三玄都獄第四
四十九獄第五天一北獄第六河伯獄第七
累劫獄第八女真獄

右二十四獄獄有十二條吏金頭鐵面巨
天力士各二千四百人把金槌鐵杖玄科

死魂以治罪罰也

二十四職品

按玄都職治律第九云監天職主監亂具
庚正也

督治職主督察諸治正一師性行貪枉不依
師法

貢氣職主選擇男女官正一師考察身體瘡
癥形殘破穢務得端嚴兼素

大都攻職主天下屯聚符廟秦胡成羌蠻夷
戎狄楚越攻擊不正氣惡人逆鬼盡當分明

考錄

領功職主天下五方四海八極十二州百二
十郡國一千二百縣萬二千鄉亭市邑屯沙
聚石五嶽四瀆山川神祇之功賞直符伐殺
萬鬼盡當了之

都功職主功勞錄吏散民賤義錢穀金銀玉
帛六畜米物受取出入管倉庫府鬼神之物
禮信及治殿作舍橋道樓閣神室盡主之
也

領神職主選擇賢良賤退偽惡對會諸氣諸
有犯違盡主之也

監神職主考素所犯狀結文書關視利害轉
東謬誤化論戒勅

領署職主選舉二十四職名籍功賞諸職文
書次第校投命籍

察氣職主察四方諸氣符瑞徵應

平氣職主質天下之氣平均四方八極氣候
主之也

上氣職主收萬鬼分別正氣邪精
都氣職主三會吏民請乞治救分別年紀郡

縣鄉邑所受官號

威儀職主教勅禮制衣服儀容法則起次位

彈邪正非施行法禮

領氣職主領五色之氣知其變異氣候并領

知氣職也一本無

領決職主鬼氣男女被氣傳語領決教分別

秦夷胡戎狄氏菟真偽

四氣職主諸治投言文書對會諸治戶籍口

數出死入生

行神職主布氣宣化顯明道教

道氣職主勸化凶逆化惡為善

聖氣職主曾對文書歲終功限謂狀言上者

承氣職主承治醫療著功之數

典氣職主典諸職高下次第

廉平職主監察廉邪均平飲食

行教職主奉宣師教勸化愚俗不知法者

建義職主表條功勞助時伏勤對應退也

按上章律第十三云男職女職二十四職即

此是也

地發二十四應品

按衆篇經云元始開圖地發二十四應上慶
神真

一者是時天元混沌未有光明衆難啓旦四

景朗清天玄地張成生五行

二者三萬六千日月於是下土同明光尚幽

夜照曜無窮

三者青鳥銜書以告五帝正天分度

四者白虎吐金安鎮玉靈

五者青龍奉符以告水帝制會促運江海開

張

六者瓊鳳喻靈以獻帝王安國保祚五鎮長

存

七者鸞鳳同唱飛鳴嘒嘒

八者群鳥翔舞飛欣天端

九者蛟龍踊躍鼓洋淵澤

十者河水滄流魚鱗交會

十一者甘露自生芝英霧霓

十二者冬不冰霜枯木並榮

十三者林木木稼冬夏生華結實繁茂無有凋傷

十四者四氣調和災疫不行天人悅慶無有天年

十五者毒螫閉齒不生害心

十六者師子猛獸依人為隲

十七者天下男女育孽痲病一時復形無有疾傷皆得康強

疾傷皆得康強

十八者老年反少少年不老華容偉貌精彩光明

十九者鳥獸六畜懷胎含孕已生未生皆得生育無有折傷

生育無有折傷

二十者婦女懷妊普天生男

二十一者地藏發泄金玉露形散滿道路無有幽隱

二十二者天振地裂枯骨更生沉尸飛魂普起成人天下歌唱欣國太平

起成人天下歌唱欣國太平

二十三者地生蓮華天人稱慶莫不欣欣

二十四者五嶽開洞符經並出教導其天人是時學者莫不飛仙也

是時學者莫不飛仙也

二十四真圖品

按五稱符上經云欲求道法先沐浴去臭穢

當得東井圖

二十五性色者

按左玄論中卷第九品云眼聞五色耳聞五音鼻聞五香舌聞五味身聞五觸

第十三品云香謂麝無腥朽芳也觸謂堅柔

冷熱平諸者可知之也

第十三品又云具此五五二十五性色者合成凡夫小命也

二十七中法門名數品仙真聖二十七大夫二十七生氣君

仙真聖二十七品者按宋文明通門下云上品曰聖中品曰真下品曰仙也聖品以復有三也真品復有三也仙品復有三也合為九品也九品又各有三合為二十七品也

宋文明道德義淵下又引八素經云上真給仙童玉女二千人中真給玉童玉女千人下真給玉童玉女五百人迴元九道素經亦有差品

大洞經云從生得道從道得仙從仙得真從真得為上清黃老君則上仙但備上仙之道

未及上真也佛四果之人已稱賢聖成佛得道而號大仙道圓自始飛天而昇太極及成無上方號高仙邪法身云轉神入妙形魂為一身神並一則為真身而成道也

玄門論第十三位業品云界外三九二十七

品賢聖之名者

太真科云小乘仙有九品一者上仙二者高仙三者大仙四者神仙五者玄仙六者真仙七者天仙八者靈仙九者至仙也中乘真有九品一者上真二者高真三者大真四者神

真五者玄真六者仙真七者天真八者靈真九者至真也大乘聖有九品一者上聖二者高聖三者大聖四者神聖五者玄聖六者真聖七者仙聖八者靈聖九者至聖也雖有三九不同而俱無欲並觀觀體不復無優劣故有仙聖之殊但上聖高聖大聖是聖之上品

神聖玄聖真聖是聖之次品仙聖靈聖至聖是聖之下品聖品既爾仙真可知此三九人若望界內通是大乘也

二十七大夫者

按太真科云二十七大夫者聖真仙階各有九品三九二十七應宿也宿二十八日月桓舍其一為隱故故二十七顯也

二十七天者

已具錄在三名數三氣三天部中訖

人身中二十七生氣者

按老子枕中開闔經云人身中自有二十七生氣者髮為青城君頭為三台君兩眉為八極君左目為瞻明君右目為玄明君左耳為聽明君右耳為沃明君鼻為周天妙戶君

口為牙門君脣為玉戶君齒為二十八元士君舌為无極君咽為校尉君喉為九卿君肝為絳宮君肺為華蓋君膈為長命君心為丹田君臍為紫白君胃為太倉君脾為黃庭君左腎為玄妙君右腎為元正君大腸為食母

君小腸為道引君腸為衛道君三焦為玄先君左股為小車君右股為徘徊君左足為雷電君右足為雲氣君二十七生氣常當世隱甲身君勿得妄出也今若細數乃有三十一君不詳之

二十八中法門名數品

二十八宿者按三皇三十二天齋儀云北方東壁管室危虛須女牽牛南斗也東方箕尾心房氐亢角也南方軫翼張星柳鬼井也西方參甯畢昴胃婁奎也四方各七合成二十八人修三皇齋請二十八宿以釋天羅地網基誦增延年算也

謝五墓離儀云東方七宿者角亢氐房心尾箕南方七宿者井鬼柳星張翼軫西方七宿者奎婁胃昂畢甯參北方七宿者斗牛女虛危室壁凡人家四十六世以來有呪詛盤結者此二十八宿能為人解而散之

度星經云東方角宿字君帝亢宿字君明氐宿字君上房宿字君真心宿字君貞尾宿字君利箕宿字君長

北方斗宿字君子牛宿字君居女宿字君陳虛宿字君通危宿字君參室宿字君王壁宿字君嬰

西方奎宿字君時婁宿字君利胃宿字君明昴宿字君王畢宿字君進甯宿字君明參宿

字君成

南方井宿字君節鬼宿字君居柳宿字君遷星宿字君明張宿字君府翼宿字君信軫宿字君乾皆能傳送亡人不令復連後生之人也前文二十四治山中亦俱列此名字訖

三十二中法門名數品

三十二天者按依如无量度人經云又內音

玉字下云一曰太黃皇曾天

釋云一氣有九萬九千九百九十九重

二曰太明玉完天

三曰清明何童天

四曰玄胎平育天

五曰元明文舉天

六曰上明七曜摩夷天

七曰太真科中卷云為欲界天陰陽有欲交接胎生積萬歲也

義淵上云持十戒口業淨者登欲界身業淨

登色界心業淨登無色界入九品行者登種

民天也此之次位已錄在前三中名數品之中三業內文也

內音云七曰虛无越衛天

八曰太極蒙翳天

右八天屬東方始青之氣

九曰赤明和陽天

十曰玄明恭華天

十一曰耀明宗飄天

十二曰竺落皇笏天

十三曰虛明堂耀天

十四曰觀明端靖天

十五曰玄明恭慶天

十六曰太煥極瑤天

右八天分度屬南方赤天

十七曰元戴孔昇天

十八曰太安皇崖天

十九曰顯定極風天

二十曰始皇孝芒天

二十一曰大皇翁重天

二十二曰无思江由天

二十三曰上撰阮樂天

二十四曰无極曇誓天

右八天分度屬西方素天

二十五曰皓庭霄度天

二十六曰淵通元洞天

二十七曰輪寵妙成天

太真科中卷云此十八天為色界與欲界同陰陽有形不相交接人皆化生所嗅香味無

復便旋年積德歲不夭不傷也二十八日秀
樂樂上天去帝神天六二十九日无上常融
天去王康天五三十日玉隆騰勝天去梵度
四去五千氣三十一日龍變梵度天去寶奕天三三
十二日平育寶奕天去梵行之氣

右八天之氣分度屬北方玄天

太真科中卷云此為四種民天學真堪為人
種王母迎之登上四天者名曰梵行雖危不
敗安諸種人不墮三塗方遊三清也業報經
中具說之已錄在前四中名數例四種入天
文內說也及在三界名例文內也若作四方
分者方有八天四八成三十二天若三界分
者即如下文所云宋文明道德義淵上所說
者此三十二天則專主人福果異乎九天及
三十六天福果由於業行業行起六根眼耳
鼻口身心也於口業能伏身心等則隨功次
第生欲界六天六天者從太黃天至上明天
為六天也於六根中有猶入前塵者有緣塵
而不入者有漸不復緣入者凡三種三六為
十八則生色界十八天十八天者從虛无越

衡天至无極曇誓天為十八天也六根都不
復緣入者則生無色界四天四天者從皓庭
天至秀樂天凡四天是也所以止四天者六
根並淨但有仁義禮智唯四天故也若是信
者屬於道境故不生三界也此都合二十八

天為三界也雖伏而未斷習氣未除未能忘
想故未得長存猶在三界壽盡則壞隨行所
之也上從帝融天至寶奕天為四天號東華
南極西靈北真四宮洞入道境為世種民天
下隨劫壞就前二十八天為三十二天也
義淵下又疑曰太上五德同在一分唯取一
信將非才盾之耶答曰五德悉屬太上而云
信屬於道不生三界者非言四德都不屬於
道正言緣三界而昇了信所以不緣三界者
經云其精甚真其中有信也

隱注云學道由丹信信為行本直登三清仁
義禮智即道之德緣次而至無異大成備五
德而猶獨稱智慧也合通而言之則五德皆
道也
寶玄經亦云上德同天運與道合別而為語

則一信屬道也四行屬德無異
易云立天之道曰陰與陽立地之道曰柔與
剛而復言天陽地陰乾剛坤柔
玉訣云天無靈寶無以得生地無靈寶無以
得成而復云生天立地上謂之靈施鎮五嶽

下謂之寶又云在天曰靈在地曰寶合離通
別多如此例識沉心忘或非才盾也
宋文明靈寶雜問云三界三十二天依如靈
寶內音分置在四方定志經圖正作三重今
義疏中解釋云如羊角而上與二事並違何
邪答曰此乃所以二事兩通也羊角者猶莊
子之義也
敷齋威儀太極真人云莊子是南華仙人故
其可據羊角則如腸道周迴而上上者轉高
此是重累亦是遍四方也

玄門論第二十云三十六天還是三清妙境
雖復位居界表變化難思小則存入三宮大
則遠超六合皆是聖應所分開化接引通論
此氣非陰非陽玄絕清梵也次此已下按靈
寶經以三十二天往明三界故度人經云元

網流演三十二天其三十二天並在空无之中周迴十方起自東北扶搖臺羊角而上今依本元經配方如左

第一太黃皇曾天氣係西北方梵氣第二太明玉完天氣係壁宿第三清明何童天氣係

室宿第四玄胎平育天氣係危宿第五明文舉天氣係虛宿第六上明七曜天氣係女宿第七虛无越衡天氣係牛宿第八太極蒙翳天氣係斗宿

右八天位在東方木數納音九故總為九

氣青氣係北方七宿

第九赤明和陽天氣係東方梵氣第十玄明恭華天箕宿第十一耀明宗飄天尾宿第十二竺落皇笏天心宿第十三虛明堂曜天房宿第十四觀明端靖天凶宿第十五玄明

恭慶天亢宿第十六太煥極瑤天角宿

右八天位在南方火數納音三故總為三

氣丹天係東方七宿也

第十七元載孔昇天係東南方梵氣第十八太安皇崖天軫宿第十九顯定極風天翼宿

第二十始皇孝芒天張宿第二十一太黃翁重淳容天星宿第二十二无思江由天柳宿第二十三上揲阮樂天鬼宿第二十四无極曇誓天井宿

右八天位在西方金數納音七故總為七

氣素天係南方七宿

第二十五皓庭霄度天氣係西南方梵氣第二十六淵通元洞天參宿第二十七太文翰寵妙成天甯宿第二十八太素秀樂禁上天單宿第二十九太虛无上常融天昂宿第三

十太釋玉隆騰勝天胃宿第三十一龍變梵度天婁宿第三十二太極平育奕天奎宿

右八天位在北方水數納音五故總為五

氣玄天中央土數納音一一以總四方故不別置又仰三清以為中止也此三十二

天運行不息氣係者陽動於陰陰動於陽

也三十二天以次差馳旋方而上羊角道

周仍登梵行入三清也

隱注寶訣云玄階與扶搖臺在東北方玄天也興起也言天階起發於扶搖也又內音及

五鍊生尸皆羅三十二位施置四方今聊依此文一途往說也問人屬天何不屬太黃皇曾赤明和陽元載孔昇皓庭霄度等四維天耶答曰維中无宿故

老君聖紀第十卷偽感品云此即玉清境无

始天尊位在三十五天之上也又云大至真尊聖紀云此即上清境太上天道君位在三十四天之上也又云大清境太極宮即太上老君位在三十三天之上也又云佛者西胡得道位在三十天延真宮主此即罰賓王是也

也

三十二帝者

按无量度人經云一曰鬱繼玉明二曰須阿那田三曰元育齊京四曰劉度內鮮五曰醜法輪六曰恬愴延七曰正定光八曰曲育九

昌九曰理禁上真十曰空瑤醜音十一曰重

光明十二曰摩夷妙辯十三曰阿迦婁生十

四曰鬱密羅十五曰龍羅善提十六曰宛

黎无延十七曰開真定光十八曰婆婁阿食十九曰招真童二十曰薩羅婁王二十一曰

閔巴狂二十二日明梵光二十三日勃勃監
二十四日飄弩穹隆二十五日慧覺昏二十
六日梵行觀生二十七日那育醜瑛二十八
日龍羅覺長二十九日總監鬼神三十日眇
眇行元三十一日運上玄玄三十二日大擇
法門通前三十二天並是諸天隱諱諸天隱
名者也四方各配八天八帝四八所以為三
十二天三十二帝

三十二宰獄者

按趙文和傳云三天曹門下獄北極司錄門
下獄北辰主命門下獄將軍太歲門下獄太
陰太陽門下獄司空土府門下獄五部土公
門下獄宅中真官門下獄諸寒濕寃君門下
獄東嶽太山東門下獄南嶽衡山南門下獄
西嶽華山西門下獄北嶽恒山北門下獄中
央嵩山中門下獄二十八宿三十五官中門
下獄雲中三十六魁門下獄河伯九江水帝
門下獄十二河平候中帝門下獄北帝鹹河
門下獄北都二十四獄門下獄社稷府君門
下獄川神符廟門下獄沈殃刑禱三粟門下

獄十二刑禱門下獄大耗小耗中官門下獄
三丘五墓十二塚訟刑殺門下獄拘形破殺
中官門下獄正王簡十二曹中門下獄延命
生算門下獄十二月建中門下獄十二禁忌
門下獄十者中官法曹門下獄尋按天師一
千二百官章辭奏詣此獄明用分別治病人
身之難莫令諸失即无得橫自然安穩長壽
解脫至老之也

三洞珠囊卷之七

三洞珠囊卷之八

懷八

大唐陸海羽客王懸河修

相好品

上真始生變化元錄曰元始皇上丈人頭戴
九色之雲丹錦百變之光丹紫二色之雲坐
九色之龍也又云皇老三丈人項負十二
相輪身有黃金之色也
上清九真中經內訣云中央黃老君日暉重
曜連光映虛五雲翳蓋慶煙玄淳也
小劫經云通身黃金體頸有七寶圓光足躡
蓮華行也
老子自然齋儀云老子曰道无不在玉姿金
相妙絕諸天人共仰存想之也
三道順行經云七寶之精化為七星七童子
有七曜紫暉之光也

大劫上經云素黃君入洞穴中見一真人光
蓋明耀形長一丈六尺項有圓光通身七寶
衣也又云上皇上古真人七十二相八十一
種好又云手耀六度湖含笑相好歸也
雌一五老經云黃素元君諱圓華黃牙字太